

www.BibleForChildren.org

Matiu 8




Vanie ni abuita uoholisege Galili vata keve Keina ataeau mole holoeeveve lovi valu. Ke vamale keve Iesu neinata ua. Ige abu Iesuta esemuiabetaho louge abu lovi ke iliho lohohu.




Loholiale abuhi lovi ilu. Isi uaini ige uoholige Iesu
neinau Iesuho loui avoe, "Uainibeu uoholinu." Kateai
louge neinaveu lovi vamale kebia namigevei avoe, "Au
onole laheho louge ke vave."



Ige Iesuu lovi vamale kebia namigeveve
avoë, "E hai tauli kebia ovege abu
tobalohoi." Ige abu e hai tauli kebiamo
keohage keau ililoholu.



Ige Iesuu namigevei avoe, "Aike e ke hai mai talive mole holoevevemo hoto louveve ata ke omive." Kateai namigevege abu e hai tiale omilu.



Ige malaha keu e ke ige heanu. Isito hilokaholinu abu
oleveike uaini ke mai loholu. Isito e ke hale esemu
keau hilokage lesulike ke
vanu. Ige malaha keu ma
melameveve mo ke
hohavoge au avue tinu.
Ige au namihai avoe,
"Ataeau mole
holoevermale vani
kemo abuna
vasohuta uainie
dua hai ata
ovei."



"Ige ataeabuna e ke ige uniabeau hanilahage
abuna deive ke malei ata ovei. Isito au kateholinu.
No vasohuta iale keu aike ko
he nahate va holioholinu.
Isito a uainie dua ko hai
noevege no ige keu
noemo he selevelanu."





Ilesuu vasohuta au vikoe vaveveike au ke vage Keina
ataeau Galili vatae uale keau
vuvuneve vaveve ke elehalu.
Ige esemuiabeta ke elehai
kemo bae abu uvu mai
avuemo mavolu.



Iesuu halei Bita oe tinu. Keve tiale
Bita mea elehage keu hobeai
avae golomo lahai ua.



Ige au adavela holige hobeveu uoholinu. Ige keate keu hovelahai avuho lovi vanu.



Iniale gutumo vau dobai tisege abu vavahanitebia isi
munanae toelaeau abuemō biloluvimale kebia bahata
holoevei lesue lohōlu.

O ke ata bahataeau
lohoale keau lesu uale
o ke udahamo mole
bevūevei ua.



Ige lesuu ata moagaeau vavahani nimolete vamale kebia hoesegevevei munanae toelaeau ataemo biloluvimale kebia hoesegevevege munanae toela keau halevai tilu. Munanae toela keau hilokage lesu keu Dilava mo. Katealemo lesu abuhou loui isiviholialeike abu hotobe louliho.




Ige ata bahataeau Iesu vuvuneu ata hoesegevemale ke elehai isiviale levei.



Kebia haivesege ata abuita abuita keau malaha mole
vavaveu kibioholiale ke mai isiviale lesue lohoi.




Lohoale keau isiviale oe uvue tai. Isito
ataeau moagage ke mai tiveve keu
anekianu. Ige abu mai oe lagadae tiale
lesuu lamiale ke nenita o kobuhai vahavemo
oe nehe au avae golomo uale ke mai
manevege dobai
lohoale lesu veloe
heimo ua.




Katelahage Iesuu
evieviabe ke elehai
malaha nehe ke
namihai avoe, "Di
mo, di a toela
bahata ulihage
uoholinu." Kateai
louito vavahanite
ke namihai avoe,
"Hovelahai a ava
egumai mai a oe
tenela."



lesuu kateai louito halei au esemu holoevei abuhi
boutimo biloluvilu. Biloluvisi tisege
solekavesite hanunu balugau
lohoi boutimo lohoge eu
balugai vuloai bouti uvue
hahosihovosege lesuu
lahanu.



Ige Iesuu abuhō lōi avōe, "La osiohoike vabulahama. Le evievi keu esevehame." Kateai lōuito hovelahai hanunuta eta hotogevege hanunuu uoholige eu tolemanu. Kateige keau ke elehai vikolahalu. Isi lōi avōe, "Malaha oletealeike ko. Kou hanunuta eta hotogevege abu hotove evisi isivive valu."



Dilavau vatae ataho isivi balugale
kemoike au au mo igae mai vatae
hanavonu. Ige elike ataeau abu
uvu mai avuemo mavoliege abu
bae haluvilivebene. Isito abuna
ukolikoli malei.

40

60



Loma 3:23 Nahi bahata vaveve toela vamale ata nahia.
Kemoike nahi Dilava atagamo vugeholilu. Nahi ehue tai
Dilava ataga elehalivebene.

Loma 6:23 Vaveve toela vamale ke ibinaike hatihati. Isito
nahie Kosive Iesu Keliso kemo Dilavana au
isivimo ukolikoli nahiovei.

Hibulu 9:27 Nahi hilokage ata bahataeabuna haluvisi.
Isito ke iae Dilavana bae abuemmo vaveveabe
kaovei ibinaeabe ovei.

Evesasi 2:8,9 Dilavau au uvu nahiovei nahie toelamo nahi
maleveale kemo nahi hilokage Dilavau nahiho isivi
baluganu. Isito nahi hilokage Dilavau nahie vavevemo nahi
maleveholisito au isivimoike nahi malevenu.



Nahi uveve doga maleale kemo nahi nahie ebika tabageve halevai. Kosealemo nahi vadeu vamale kemo Dilavau uveve doga ke nahioveholinu. Isito au isivimoike au ke nahiovenu.

Loma 10:9,10 Katealemo lana la aimo loui kosea, "Iesu keu Kosive." Isi lana la uvu bahatamo huhulahai kosea, "Dilavau hatihatimo Iesu etuvage hovelahanu." Lana katelahaliege Dilavana la malevei. Nahi nahie uvu bahata Dilava omiale kemo nahi Dilava nimo inutolotololahalu. Iale nahie evievi kemo nahiabuna hotove loui kemo hilokage Dilavana nahi malevei.

Dioni 3:16,17 Dilavau vatae ataho isivi balugale kemoike au au mo igae mai vatae hanavonu. Ige elike ataeau abu uvu mai avuemo mavoliege abu bae haluvilivebene. Isito abuna ukolikoli malei.



Dilavau au mo hanavoale keu vatae ataemo kotaho
lohoholinu. Isito vaveveabe toelamoike
au maleveho lohonu.

1 Dioni 5:11-13 Iale oleuoleu abu uvu mai Dilava mo kemo
mavoale keau hilokage Dilavau louale hoto keu seleve.
Isito oleuoleu Dilava hoto ke maholiale keau Dilava
lobohavolu. Kosealemo Dilavau hoto loui au moe vaveve
louale kemo au moemo uveve doga nahiovenu.
Iale oleuoleu abu uvu mai movemo mavoale keau uveve
doga malelu. Isito oleuoleu abu uvu mai Dilava momo
mavoholiale keau bae uveve doga malelivebene.
Di hoto ko bahata laheho hisaliai isivialeike la la uvu mai
Dilava moemo mavoale kemo la hilokage seleveta Dilavau
uveve doga laovenu.



Matiu 8-9; Maka 1-2, 4; Luka 4, 8; Dioni 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Koiali, Mountain NT (kpx) © 1981, Wycliffe Bible Translators,
Inc. All rights reserved.

<https://live.bible.is/bible/KPXTBL/MAT/1>

©2025 Bible for Children, Inc.

www.M1914.org

www.bibleforchildren.org

